

bwe komin mour. Elap tokjen jar an armij ewānik eo ej jerbale.

Jen. 20. 17. Bwin. 11. 2. Dut. 9. 18-20. Jos. 10. 12. 1 Kīn 13. 6. Sam 10. 17. & 34. 15. & 145. 18. Jon 9. 31.

17 Elaija ej juōn armij e kanulj einwōt kij, im e ar jar im akwelap bwe en jab wut; im e ar jab wut ion lōl iomin jilu yīō im jiljino aliñ.

Jerb. 14. 15. 1 Kīn 17. 1.

18 Im ej bar jar im lōñ e ar lelok wut, im lōl e ar jebar leen.

1 Kīn 18. 42, 45.

19 Ro jātiō, elañe jabrewōt iami ej jebwābwe jen mōl, im juōn ej koukwelok e;

20 En jela, bwe eo ej koukwelok juōn dri jerawiwi jen an jebwābwe jen ial, e naj lomoren an jen mij, im e naj kalibubu elōñ jerawiwi.

Rom 11. 14. 1 Pit. 4. 8.

LETTER MOKTA AN PITER.

JAPTER 1.

PITER, dri jilik an Jisōs Kraist, ñōn ro dri jibliklik im jokwe ilo Pontōs, Galetia, Kappadosia, Esia, im Bitinia,

Jerb. 2. 9. Jem. 1. 1.

2 Ro emwij kālet ir kin an Anij Jemer jela mokta, ilo kokwojarjar an Jitōb, ñōn kibleie im kabōtūktūk kin bōtōktōk in Jisōs Kraist: Joi im ainemōn ren lōñ'ok ñōn kom.

Ep. 1. 4. Jap. 2. 9. Rom 1. 7. & 8. 29. 2 Tes. 2. 13. Hīb. 10. 22. 2 Pit. 1. 2. Jud 2.

3 En mōnōn Anij Jemen ar Iroj Jisōs Kraist, Eo, ilo An tiriamokake elap, E ar bar keutak kij ñōn kejatrikrik emour kin jerkakbij an Jisōs Kraist jen ro remij,

Ep. 1. 3. Tait. 3. 5. Jon 3. 3. Jem. 1. 18. 2 Kor. 1. 3. 1 Tes. 4. 14.

4 Ñōn jolit eo e jamin wabōnbōn im jab etton ak mejkwun, im emwij likit e ilōñ ñōn kom,

Jap. 5. 4. Kol. 1. 5.

5 Komeo kejbārok kom ilo kajur an Anij kin tōmak ñōn lomoremwij an kapoj bwe en waloktok ilo ien eo eliktata.

Jon 10. 23, 29.

6 Im ilo e komij kanulj lōñliñ, meñe kiō jirik len, elañe en ein drein, kom ar iñtan kin elōñ men in melejoñ,

Mat. 5. 12. 2 Kor. 6. 10. Jap. 4. 13. & 5. 10.

7 Bwe melejoñ ami tōmak, e aurōk jen gold eo e jokolok meñe melejoñ

e kin kijeek, en walok ñōn wijtak im aibuuij im nebar ilo weaktok an Jisōs Kraist:

Jem. 1. 3. 12. Jap. 4. 12. Job 23. 10. Pro. 17. 3. Isa. 43. 10. Zek. 13. 9. 1 Kor. 3. 13.

8 Eo komij yokwe ke kom jañin lo E; im ilo E, meñe kiō kom jab kalimjeke, kin ami liki E komij lōñliñ ilo lōñliñ elap jen maroñ in ba im eobrōk kin aibuuij:

1 Jon 4. 20. Jon 20. 29.

9 Im komij bōk tokjen ami tōmak, lomoren ami.

Rom 6. 22.

10 Kin lomor eo ro dri kanan, r'ar drikanij kin joij en iwij ñōn kom, rej kanulj kabukot im liñōri:

Dan. 2. 44. Hag. 2. 7. Mat. 13. 17. Luk 10. 24. 2 Pit. 1. 19, 20.

11 Im bukot ie ien eo, ak ta wāwen ien eo Jitōb ñōn Kraist, eo E ar ber ilo ir, Ej bakajen ke Ej kennan mokta kin iñtan ko an Kraist im aibuuij ko ren tokelik.

2 Pit. 1. 21. Sam 22. 6. Isa. 53. 3-8. Luk 24. 26.

12 Im emwij kwalok ñōn ir, bwe jab ñōn ir mōke, a ñōn kom, rej korijer ilo men ko, ar ba ñōn kom kaki kiō kin ro r'ar kwalok gospel ñōn kom ilo Jitōb Kwojarjar jilkin-tok jen lōñ; men ko enjel rōn rej kōnan liñōri.

Dan. 12. 9, 13. Hīb. 11. 39, 40. Jerb. 2. 4. Eks. 25. 20. Dan. 8. 13. & 12. 5-7. Ep. 3. 10.

13 Kin men in komin kapojōk bu-ruemi, komin jadōr im kejatrikrik

kom wõt kin joij eo naj bõktok ñõn
kom ilo weakot an Jisõs Kraist;
Ep. 6. 14. 1 Tes. 5. 6. 2 Tes. 1. 7. jap. 4. 7.
& 5. 8. 1 Kor. 1. 7.

14 Einwõt ro nejin jilkaie, komin
jab mõke kõmõnmõn kom ekar ñõn
mõm ko ami mokta, ilo ien ami ja-
jelokjen:

Rom 12. 2. jap. 4. 2. Jerb. 17. 30. 1 Tes. 4. 5.

15 A einwõt Eo e ar kir kom E
kwojarjar, komin bareinwõt kwo-
jarjar ilo wāwen otemjej ami ber
im kõmõn;

Luk 1. 75. 2 Kor. 7. 1. 1 Tes. 4. 7. Hib. 12.
14. 2 Pit. 3. 11.

16 Bwe emwij jeje, Komin kwo-
jarjar; bwe Ña I kwojarjar.

Leval 11. 44. & 19. 2.

17 Im elañe kom jar ñõn Anij ein-
wõt Jememi, Eo ej ekajet armij
otemjej ekar ñõn jermal ko air, im
jab kaljiklok armij, komin ber io-
min ien ami drua maljet ilo mijõk:

Dut. 10. 17. Pil. 2. 12. Hib. 11. 13. jap. 2. 11.

18 Bwe kom jela ar jab binmour
ñõn kom kin men in ijurwewe ko,
kin silver in gold, jen ami mour
bata emwij likite ñõn kom jen ro
jimami;

1 Kor. 6. 20. Ezek. 20. 18.

19 A kin bõtõktõk e aurõk, einwõt
an lam ejelok notan im ekwojarjar,
aet eo an Kraist:

Jerb. 20. 28. Eks. 12. 5. Isa. 53. 7. Jon 1. 29.

20 Eo kar jela E mokta jen jinoin
lõl, a Ej waloktok ilo ien kein re-
liktata, kin kom,

Rom 3. 25. Ep. 3. 11. 2 Tim. 1. 10. Tait. 1. 2.
Rev. 13. 8. Hib. 1. 2.

21 Ro ilo E komij liki Anij eo E
ar kejerkakbiji E jen ro remij, im
lelok ñõn E aibujuij; bwe ami tõ-
mak im kejatrikrik ren ilo Anij.

Jerb. 2. 24. & 3. 13. Pil. 2. 9. Hib. 2. 9. jap.
3. 22.

22 Bwe kom ar karreo ami ilo ami
bokake mol ñõn yokwe jimjān jim-
jāten e jaje mon, inem komin ka-
nuij yokwe dron kin buruemi:

Jerb. 15. 9. Rom 12. 9. 1 Tim. 1. 5. Hib.
13. 1. jap. 2. 17. & 3. 8. & 4. 8.

23 Bwe emwij bar keutak kom,
jab jen ine ej ijurwewe, a jen eo e
jamin ijurwewe, kin nan in Anij,
eo ej mour im berwõt.

Jon 1. 13. & 3. 5. Jem. 1. 18. 1 Jon 3. 9.

24 Bwe, Kõnlek otemjej einwõt
ujolj im aibujuij otemjej an einwõt
leen ujoij. Ujoij ej aimerlok im
leen ej wutlok:

Sam 103. 15. Isa. 40. 6. Jem. 1. 10.

25 A nan in Anij ej berwõt in
drio. Im efin nan emõn ar kwa-
loke ñõn kom.

Sam 102. 12, 26. Luk 16. 17.

JAPTER 2.

INEM komin jolok bāl otemjej
im etao otemjej, im jela mon ko,
im junmar ko, im konono nae otem-
jej,

Ep. 4. 22. 31. jap. 4. 2.

2 Im einwõt niñiñiñ rej kab lotak,
komin mako milk emõn im erre-
wõt, bwe komin edreklok kake ñõn
lomor;

Mat. 18. 3. jap. 1. 23. 1 Kor. 3. 2.

3 Elañe kom ar erjoñ joij an Iroi:

Sam 34. 8. Hib. 6. 5.

4 Eo komij itok ñõn E, Ejman
emour, armij r'ar jolok E, a Anij
ej kålet E im kaurõk E,

Sam 118. 22. Mat. 21. 42.

5 Bareinwõt kom, einwõt ejman
remour Ej kalek kom juõn im ekar
ñõn Jitõb, bwe komin pris rokwo-
jarjar, bwe komin lelok men in ka-
tok ko rekar ñõn Jitõb, im ko rej
kabuñburuen Anij kin Jisõs Kraist.

Ep. 2. 21, 22. Hib. 3. 6. & 13. 15. Mal. 1. 11.

6 Bwe emwij jeje ilo Jeje ko, Lo,
ij likit i Zaiõn ejman in dremõn
emõn, men in kålet, im eaurõk, im
eo ej liki E e jamin jok:

Isa. 28. 16. Rom 9. 33.

7 Inem ñõn komeo komij tõmak,
men in aurõk, a ñõn ro re jab tõ-
mak, Ejman eo, dri kalek r'ar jo-
lok e, emwij kõmõne bwe en bõ-
ran dremõn im,

Jerb. 4. 14.

8 Im dreka in lõkatip, kab ejman
in dibjik; bwe rej jebebeep ilo nan
kin air jab bokake: men eo kar li-
kit ir ñõn e.

Isa. 8. 14. Luk 2. 34. Rom 9. 33. Eks. 9. 16.

Rom 9. 22. 1 Tes. 5. 9. Jud 4.

9 A kom ebeben emwij kålet, pri-
ro im iroi, dri ailifi rokwojarjar,

armij ro an Anij wõt, bwe komin kennaneklok men ko remõn an Eo e ar kir kom jen marok im ñõn iloan maram eo An e men in bwi-lõñ;

Dut. 10. 15. jap. 1. 2. Eks. 19. 6. Rev. 1. 6. & 5. 10. Dut. 23. 19. Jerb. 20. 23. Ep. 1. 14. Tait. 2. 14. Jerb. 23. 18. Ep. 5. 8.

10 Ilo len ko remotelok kom kin jab dri allin, a kiõ kom dri allin an Anij; kom kin jab bõk tiriamokake, a kiõ emwij ami bõk tiriamokake.

Hos. 1. 9. 10. Rom 9. 25.

11 Kom jitenburu, ij akwelap ñõn kom, einwõt ro drua maijet im dri itoitõk, bwe komin kejbãrok kom jen mõm ko an kõniek, rej tõrinaek ami;

jap. 1. 17. Rom 13. 14. Jem. 4. 1.

12 Im en ekar ami ber im kõmõn ilo bwiłjin dri allin ko; bwe, ilo men eo rej konono nae kom kake einwõt dri kõmõn nana, ren kaibujuij Anij ilo ran eo ran in jolj, kin ami jermal ko remõn rej lol.

Rom 12. 17. Pil. 2. 15. Tait. 2. 8. jap. 3. 16. Mat. 5. 16. Luk 19. 44.

13 Komin kõtãik kom ñõn kien ko otemjej an armij kin Iroi: ñõn iroi elap bwe eutiejtata;

Rom 13. 1.

14 Ak ñõn iroi rõn, bwe e ar jil-kinwoj ir bwe ren irenwõne ro rej kõmõn nana, im nebar ro rej kõmõn emõn.

Rom 13. 3. 4.

15 Bwe ein drein ankil an Anij, bwe, kin ami kõmõnmõn emõn, komin kaikõñ jajelokjen an armij ro dri bwebwe:

Tait. 2. 8.

16 Komij anemkwojami ak komin jab likit men in ken kalibubu jerawiwi, a komin dri korijeran Anij.

Gal. 5. 1. 1 Kor. 7. 22.

17 Komin kõmõn men eo ekar ñõn armij otemjej. Komin yokwe jimjãn jimjãten. Komin koutiej kin eo.

Rom 12. 10. jap. 1. 22. Pro. 24. 21. Mat. 22. 21. Rom 13. 7.

18 Komeo dri korijer, komin kõtãik kom ñõn karo ro ami ilo mi-jõk otemjej; jab ñõn ir wõt ro re-

mõn im jolj, a bareinwõt ñõn ro r'ankeke.

Ep. 6. 5. Luk 6. 32.

19 Bwe eñin men in kabuñburuen, elañe kin bõklikõt ñõn Anij, armij ej kijenmij ilo iñtan ko, ke rej kaiñtan e ilo air jab wãnik.

Mat. 5. 10. Rom 13. 5.

20 Bwe ewi unin nebar, elañe komij kijenmij ke kom jerawiwi im iñtan kake? a elañe komij kijenmij ñe kom kõmõn emõn im iñtan kake, men in ej kabuñburuen Anij.

jap. 3. 14. & 4. 14, 15.

21 Im emwij kir kom ñõn men in: bwe Kraist e ar iñtan kin kom, im likit joñok ñõn kom, bwe komin anõke jenkwõn ne ko neen:

Jerb. 14. 22. Jon 13. 15. Pil. 2. 5.

22 Eo e ar jab kõmõn nana, im ar jab lo etao ilo loñin:

Isa. 53. 9. Luk 23. 41. Jon 8. 46. 2 Kor. 5. 21. Hib. 4. 15.

23 Eo ke ar konono nae E, e ar jab bar konono nae; ke E ar iñtan E ar jab kaleññoñ, a E ar mõke likit E ñõn Eo ej ekajet jime:

Isa. 53. 7. Mat. 27. 39. Jon 8. 48, 49. Hib. 12. 3.

24 Eo e ar mõke bõklok jerawiwi ko ar ilo enbwinin ion wijki eo, bwe, ke emwij ar mij in jerawiwi, jen mour ñõn kwojarjar; im kin kinej ko kinjen ar kemour kom.

Isa. 53. 4, 5. Mat. 8. 17. Hib. 9. 23. Rom 6. 2.

25 Bwe kom kin jebwãbwe einwõt sip ko; a kiõ kom ar jeblaktok ñõn Šeperd eo im Dri lale ami.

Ezek. 34. 23. jap. 5. 4.

JAPTER 3.

EIN drein, ilmaro, komin kõtãik kom ñõn lõmaro belemi; bwe elañe jabrewõt e jab bokake nan eo, en rel buruen ñe ejelok nan, kin an beleir ber im kõmõn;

Ep. 5. 22. Kol. 3. 18. Tait. 2. 5. 1 Kor. 7. 16.

2 Ñe rej lo ami etetal ekwojarjar ilo mijõk.

jap. 2. 12.

3 Im komin jab mõke kalitlit kom kin kalitlit eo elikemi, kin birõk kolan bõrõmi, kin inõk gold, ak kin kõnõk nuknuk ko.

1 Tim. 2. 9. Tait. 2. 3.

4 A komin möke kalitlit kom ilo buruemi, kin men eo e jamin ijurwewe, kin jitöb e inimön im joij wöt, eo e kanuij aurök iman mejen Anij.

Sam 45. 13. Rom 2. 29. & 7. 22.

5 Bwe ein drein, ilo ien ko remote-lok, köra remön, ro r'ar kejatirikrik ir ilo Anij, rej möke kalitlit ir, im möke kötäik ir ñön beleir:

6 Einwöt Sere ar bökake Ebream, im naetan iroi: im kom ro nejin kiö, elañe komij kömön emön, im jamin mijök kin jabrewöt lelñöñ.

Jen. 18. 12.

7 Ein drein, lömaro, komin jokwe iben belemi kin jelalokjen, im koutiej köra rön, einwöt jäbi remöjino jen kom, im ro dri jolit ibemi kin joij in mour: bwe en ejelok men in boprae jar ko ami.

1 Kor. 7. 3. & 12. 23. Ep. 5. 25.

8 Im, bwe in kajemlok nan kein, en buruemi otemjej wöt juön, komin tiriamokake dron, komin yokwe einwöt jimjän jimjäten, komin keni, im en etä buruemi:

Rom 12. 10. 16. jap. 2. 17. Ep. 4. 32. Kol. 3. 12.

9 Komin jab lelok nana kin nana, ak kajirere kin kajirere; a ein juön, jar; bwe emwij kir kom ñön men in, bwe komin jolit jerammön.

Pro. 17. 13. Mat. 5. 39. & 25. 34.

10 Bwe, Eo e konan yokwe mour, im lo ran ko remön, en drebij loin jen nana, im tien bwe ren jab konono etao:

Sam 34. 12. 16. Jen. 1. 26.

11 Im en illok jen nana im en kömön emön; en kabukot ainemön im lor e.

3 Jon 11. Rom 12. 13. & 14. 19. Hib. 12. 14.

12 Bwe mejen Iroi rej lale ro remön, im lojiliñin rej ñön jar ko air: a turin mejen Iroi ej ion ro rej kömön nana.

Jem. 5. 18.

13 Im wön eo e naj kokkure kom, elañe komij kijejeto ilo men ko remön?

Pro. 16. 7.

14 A elañe kom iñtan kin kwojarjar, kom mönönö wöt: im komin

jab mijök ilo air mijök, im jab inebata;

Mat. 5. 10-12. Jen. 1. 12. Isa. 8. 12, 13. Jon 14. 1, 27.

15 A komin kokwojarjar Kraist einwöt Iroi ilo buruemi: im komin pojök ien otemjej bwe komin uak ñön jabrewöt armij ej kajitök ibemi kin unin kejatirikrik eo ej iloami, a kin inimön im mijök:

Kol. 4. 6. 2 Tim. 2. 25.

16 Im en ibemi bökliköt emön; bwe, kin men eo rej kajirere kom kake, ren jok ro rej konono nae ami etetal emön ilo Kraist.

Hib. 13. 18. Tait. 2. 8.

17 Bwe, elañe ankil an Anij en kōnan, emön bwe komin iñtan kin kömön emön, jen kin kömön nana.

18 Bwe Kraist bareinwöt E ar iñtan kin jerawiwi juön wöt alen, Dru wānik kin ro re jab wānik, bwe En kadruaklok kij ñön Anij; im r'ar uröt E ilo kōniek, a ar kemour E ilo jitöb;

Hib. 9. 26, 28. 2 Kor. 13. 4. Kol. 1. 22. Rom 1. 4.

19 Ilo eo E ar ilok im kwalok ñön jitöb ro ilo prisön,

jap. 4. 6.

20 Ro r'ar kiblia mokta, ke meanwör an Anij e ar kötar ir ilo ran ko an Noa, iomin ien kapojök wa eo, im ilo e emwij lomoren elet, drualitök armij, kin dren:

Jen. 6. 3, 5, 13. & 7. 7. & 8. 18. Hib. 11. 7. 2 Pit. 2. 5.

21 Im bareinwöt men in, ilo wāwen men in kajeön emol, ej lomoren kom, aet baptais, jab ami jolok bririj an enbwinemi, a kajitökin bökliköt emön ñön Anij, kin jerkakbiji eo an Jisös Kraist;

Ep. 5. 28. Tait. 3. 5. Rom 10. 10. jap. 1. 3.

22 Eo ej i anbijmaroñön Anij im emwij An wōnliflok ñön löñ; im ar kötäik jen E enjel ro im jiöb ro im kajur ko.

Sam 110. 1. Rom 8. 34, 38. Ep. 1. 20. 1 Kor. 15. 24. Ep. 1. 21.

JAPTER 4.

INEM bwe Kraist e ar iñtan ilo kōniek, en ami lemnok einwöt eo An kin ken tōrinae: bwe eo e ar

iñtan ilo kõniek, e ar jokwõr jen jerawiwi;

Gal. 5. 24. Kol. 3. 3. 5.

2 Bwe iomin matõn ami ien ilo kõniek komin jab ber im mour ilo mõm ko an armij rõu, a ñõn ankil an Anij.

Rom 14. 7. jap. 1. 14. & 2. 1.

3 Bwe emõn ran ko remotelok ren bwe kin ami kõmõn kõnan an ro dri pegan, im etetal ibeir ilo lüñ, mõm ko renana, irak wain, eep ko, karek ko, im kabuñ ñõn ekjõp ko, re men in jõjõik:

Ezek. 44. 6. & 45. 9. Jerb. 17. 30. Ep. 4. 17. jap. 1. 14.

4 Im rej lemnok e men in bwilõñ, bwe kom jab etõr ibeir ñõn dõr e kanulj lap einwõt air, im konono nae kom kake;

Jerb. 13. 45. jap. 3. 16.

5 Ro re naj kwalok kin air kõmõn ñõn Eo e pojõk bwe En ekajet ro remour im ro remij.

Jerb. 10. 42. 1 Kor. 15. 52. Jem. 5. 9.

6 Bwe ñõn men in emwij kwalok gospel ñõn ro remij, bwe en ekajet ir einwõt armij ilo kõniek, a bwe ren mour ekar ñõn Anij ilo Jitõb.

jap. 3. 19.

7 A jemlokõn men otemjej ejebak-tok, inem en jime ami lemnok, im komin jadõr im jar:

Mat. 24. 14. Rom 13. 12. Mat. 26. 41. Luk 21. 34. jap. 1. 13.

8 Im elap jen men otemjej, komin kanulj yokwe dron; bwe yokwe ej kalibubu elõñ jerawiwi:

Kol. 3. 14. Pro. 10. 12. 1 Kor. 13. 7. Jem. 5. 20.

9 Im komin keni dron im jab lo-tan:

Hib. 13. 2. Pil. 2. 14.

10 Einwõt jabrewõt iami e ar bõk men in lewoj, en jibõñ dron kake, einwõt dri kõmñe remõn an joij an Anij, elõñ wāwen;

Rom 12. 6. Luk 12. 42. 1 Kor. 4. 1. & 12. 4.

11 Elañe jabrewõt armij ej konono, en konono einwõt nan ko an Anij; elañe jabrewõt ej korijer en korijer kin kajur eo Anij ej lelok: bwe ilo men otemjej ren kaibujuij Anij kin Jisõs Kraist, im iben e

aibujuij im kajur in drio im in drio. Amen.

Rom 12. 6, 7. Ep. 5. 20. & 5. 11. jap. 2. 5. 1 Tim. 6. 18. Rev. 1. 6.

12 Komeo, ro jitenburu, komin jab lemnok kin men in kijeek e naj itok bwe en melejõñ kom, einwõt elañe men eo ekāl ej walok ñõn kom:

jap. 1. 7.

13 A komin lõñliñ kin ami bõk mõtõn iñtan ko an Kraist, bwe ilo kwalok An aibujuij komin bareinwõt lõñliñ kin lõñliñ e kanulj lap.

Jerb. 5. 41. Rom 8. 17. 2 Kor. 1. 7. Pil. 3. 10. jap. 5. 1, 5, 6, 10. Rev. 1. 9.

14 Elañe rej kajirere kake kom kin etan Kraist, komij mñõnõñ, bwe Jitõb an aibujuij im an Anij ej ber lomi.

Mat. 5. 11. jap. 2. 12.

15 A enjelok iami en iñtan kin an dr'urõt, ak dri kwot, ak dri kõmõn nana, ak dri wālok ilo men ko an armij ro jet:

jap. 2. 20. 1 Tes. 4. 11. 1 Tim. 5. 13.

16 A elañe armij ej iñtan kin an dri Kristian, en jab āliklik, a en kaibujuij Anij ilo Āt in.

Jerb. 5. 41.

17 Bwe ien in ien jino ekajet ilo imõn Anij; im elañe ej jino iber mokta, re naj it, ro re jab bokake gospel an Anij?

Jer. 25. 29. & 49. 12. Mal. 3. 5. Luk 23. 31.

18 Im elañe e nañin bin an remõn bõk mour, dri jab wānik im dri jerawiwi re naj ilok ialok?

Pro. 11. 31. Luk 23. 31.

19 Inem ro rej iñtan ekar ñõn ankil an Anij, ren likit air, kin kõmõn emõn, ñõn Eo Dri Kõmõnmõn etljek.

Sam 31. 5. Luk 23. 46. 2 Tim 1. 12.

JAPTER 5.

INEM ij kowe elder ro ibemi, ña bar juõn elder, im dri kennan kin iñtan ko an Kraist, im bareinwõt dri bõk mõtõn aibujuij eo e naj waloktok:

Luk 24. 48. Rev. 1. 9.

2 Komin šeperd bwijñ Anij ej ber ibemi, im lale e, jab ilo makoko, a kin ami kõnan, ekar ñõn ankil an

Anij; jab kin wōnan dala, a kin ami yokwe;

Jon 21. 16. Jerb. 20. 28. 1 Kor. 9. 17. 1 Tim. 3. 3, 8. Tait. 1. 7.

3 Im komin jab iroi j ion men eo emwij likite na ibemi, a komin mōke joñok ñōn bwij eo.

Ezek. 34. 4. Mat. 20. 25. 2 Kor. 1. 24. Pil. 3. 17.

4 Im ñe Šeperd elap E naj waloktøk, kom naj bōk belin aibujuij e jamin mejkwun.

Hib. 13. 20. 1 Kor. 9. 25. 2 Tim. 4. 8. jap. 1. 4.

5 Ein drein komeo emōn drer, komin kōtāik kom ñōn ridto rōn. Aet, kom otemjej komin etā buruemi, in korijer ñōn dron: bwe Anij ej jūmae ro dri jua, a Ej lelok joij ñōn ro dri etā burueir.

Rom 12. 10. Jem. 4. 6.

6 Inem komin kōtāik kom iomin pein Anij ekajur, bwe En koutiej kom ilo ien ekar:

Jem. 4. 10.

7 Im komin likit ami inebata otemjej na iben, bwe Ej ierki kom.

Sam 37. 5. Hib. 13. 5.

8 Komin jadōr, komin ekil: dri kijirāte kom, devil eo, einwōt laiōn e rorror, ej etetal wōt im bukot eo ej maroñ in kōñi:

Luk 21. 34, 36. Job 1. 7. Luk 22. 81. Rev. 12. 12.

9 Eo komin jutōk jūmae im bin ilo ami tōmak, bwe kom jela bwe iñtan kein, ro jeļōmi im jātōmi rej ber i lōl, rej iñtan kaki.

Ep. 6. 11, 13. Jem. 4. 7. Jerb. 14. 22. jap. 2. 21.

10 Im Anij in joij otemjej, Eo e ar kir kom ñōn aibujuij eo An in drio ilo Kraist, ñe emwij ami iñtan jirik ien, E naj mōke kowāppen, kabin, im kakajur kom.

1 Tim. 6. 12. 1 Kor. 1. 9. 2 Kor. 4. 17. jap. 1. 6. Hib. 13. 21. Jud 24.

11 Ñōn Eo en kajur potata in drio im in drio. Amen.

jap. 4. 11. Rev. 1. 6.

12 Kin Silvenōs, jāter etiljek, einwōt ij watōk e, emwij aō jejewoj ñōn kom ilo etet nan, im kowe, im kennan bwe ein joij emol an Anij. Komin jutōk bin ilo e.

Hib. 13. 22. Jerb. 20. 24. 1 Kor. 15. 1. 2 Kor. 1. 19. 2 Pit. 1. 12.

13 Lio, eo i Babilōn, eo emwij kālete ibemi, ej yokyokwe kom: bar-einwōt Mark, nejiō.

Jerb. 12. 12.

14 Komin yokyokwe dron kin mejenma in yokwe.

Ainemōn ñōn kom otemjej rej ilo Kraist.

Rom 16. 16. Ep. 6. 23.

LETTER KEN KA RUO AN PITER.

JAPTER 1.

SAIMŌN Piter, korijer im dri lik an Jisōs Kraist, ñōn ro, emwij air jibarek tōmak eaurōk, einwōt kij, ilo kwojarjar an ar Anij im Dri Lomor Jisōs Kraist:

Jerb. 15. 14. Rom 1. 12. Ep. 4. 5. Tait. 1. 4. & 2. 13.

2 Joij ñōn kom im ainemōn en lōñlok ilo jela Anij im Jisōs ar Iroi j;

1 Pit. 1. 2.

3 Bwe An kajur einwōt an Anij, e ar letok ñōn kij men ko otemjej rekar ñōn mour im kōmōn ekwojar-

jar, kin jela Eo e ar kir kij ilo An aibujuij im maroñ;

Jon 17. 3. 1 Tes. 2. 12. 2 Tes. 2. 14. 2 Tim. 1. 9.

4 Kin men ko E ar letok ñōn kij muri ko An relaptata im aurōk; bwe ilo ir komin dri bōk mōtōn biktokin Anij, ke emwij ami ko jen kōt eo ej ber ilo lōl kin mōm ko renana.

Hib. 12. 10. 1 Jon 3. 2. jap. 2. 18, 20.

5 Aet, im kin men in komin kanuij kate kom, im ilo ami tōmak komin kōke emōn; im ilo ami emōn, jelalokjen;

jap. 3. 18. 1 Pit. 3. 7.

6 Im ilo ami jelalokjen, jadōr; im